



5115 Dudley Boulevard McClellan, California 95652

Chav Tswj Neeg Kawm Askiv Cov Kev Pabcuam  
**Koog Tsevkawm Pawg Neeg Tawm Tswvyim rau Neeg Kawm Askiv  
(DELAC) COV NTAWV TEEV TSEG**

Lub 5 Hlis Ntuj tim 4, 2017 | 8:45A.M. – 10:30A.M. | D.O. Bay A Sycamore Room

Dr. Jisel Villegas, Tus Neeg Ua lub Luag Haujlwm ntawm Chav Tswj Neeg Kawm Askiv Cov Kev Pabcuam, tau los qheb Koog Tsevkawm Pawg Neeg Tawm Tswvyim rau Neeg Kawm Askiv (DELAC) lub rooj sibtham rau thaum 9:08 yav sawv ntxov. Dr. Villegas tau los zoosiab txais tos thiab tau ua tsaug rau tagnrho cov niam txiv thiab cov neeg ua haujlwm uas tuaj rau hnuab no.

Dr. Villegas tau los qhia tias muaj 135 menyuam kawmntawv uas kawm tiav tsevkawm theem siab xyoo no yuav tau txais lub Xeev lub Kib ntawm Kev Txawj Ob Hom Lus (State Seal of Biliteracy). Yuav kom cov menyuam kawmntawv twg muaj kev tsimnyog tau, lawv yuav tsum kawm ib chavkawm Ntej Teb Lus (World Language class) lossis xeem dhau ib txoj kev xeem uas yog muab los ntawm county (thajchaw uas tswj ib cheeb tsam chaw uas muaj ntau ntau lub nroog uake). Dr. Villegas tau los qhia tias nyob rau lub caij tam sim no Twin Rivers muaj cov kev xeem nyob cov lus Mev, Fabkis, German, Hmoob, thiab Ukrainian. Dr. Villegas tau los qhia tias Sacramento County Chav Ua Haujlwm Tswj ntawm Kev Kawmntawv qhov kev ua kev zoo siab txhawb siab pom txog cov menyuam kawmntawv txoj kev xeem dhau yuav muaj nyob rau lub 5 Hlis Ntuj tim 10, 2017, tom lub tsevkawm San Juan High School thiab Twin Rivers Unified Koog Tsev Kawmntawv qhov kev ua kev zoo siab txhawb siab pom txog cov menyuam kawmntawv txoj kev xeem dhau no yuav muaj nyob rau lub 5 Hlis Ntuj tim 16, 2017, tom koog tsevkawm chav ua haujlwm nyob ntu hauv tsoom kav tswj lub rooj sibtham.

Cynthia Andrews, Tus Kavxwm ntawm Cov Haujlwm Loj Tshwjxeeb tau zoosiab txais tos thiab ua tsaug rau cov niam txiv uas tau tuaj koom uas yog ib feem ntawm DELAC/LCAP lub rooj sibtham. Mrs. Andrews tso tawm ib qhov kev cobqhia PowerPoint thiab tau los tham nrog cov niam txiv hais txog LCAP yog dabtsi. LCAP yog lub Tswvyim Los Lees Txais Khiav Dejnum Tswj Kav Hauv Zej Zos (Local Control Accountability Plan); nws yog ib lub tswvyim sau tau los raws li ntawm txoj kev sau tau cov ntaubntawv los ntawm lub zej zos zoo xws li Niam Txiv Pawg Neeg Cob Kev Ua Coj (Parent Leadership), DELAC, TRUE, CSEA, Chav Tswj Neeg Ceev xwm, Zej Zos Cov Koomtxoos Sibtham (Community Forum), thiab tasnrho txhua lub tsevkawm cov thajchaw.

Mrs. Andrews tau los cob qhia txog LCAP Cov Homphiaj tshiab rau 3 lub xyoos tom ntej no. Mrs. Andrews tau tham txog txhua lub homphiaj zuj zus raws li nram qab no: Homphiaj 1 yog los Nce Ntxiv Kev Kawm Txoj Kev Ua Tau thiab Txo Kev Tsis Sib Luag; Homphiaj 2 yog los npaj cov menyuam kawmntawv kom muaj Kev Npaj Txhij Txhua Rau Tsevkawm Txheesjab Haujlwm nrog rau ib qhov kev ua tshiab uas yog muaj lub Nroog Sacramento Internship; Homphiaj 3 yog los Txhim Kho Tsevkawm Thajchaw thiab Kab Lis Kev Cai los ntawm Nce Ntxiv Cov Menyuum Kawmntawv Kev Koomtes nrog rau ib txoj kev ua tshiab ntawm Kev Pab Ua Dejnum (Duty Assistance); Homphiaj 4 yog los Nce Ntxiv Niam Txiv Txoj Kev Koomtes; Homphiaj 5 yog los Muab Cov Vajtse uas huv, nyabxees thiab zoo tsimnyog rau kev kawm. Mrs. Andrews tau los qhia tias qhov kev cobqhia PowerPoint no yuav raug txhais nyob ua lwm cov hom lus thiab cov niam txiv yuav nrhiav tau nyob rau hauv Twin Rivers daim nplooj ntawv website. Mrs. Andrews tau los nug cov niam txiv kom lawv faib mus ua pawg thiab kom lawv sau rau ib daimntawv txog ntawm cov kev ua uas lawv xav kom hloov, lawv cov kev xav thiab cov tswvyim thiab Tus Tuam Thawj Tswj (Superintendent) mam li teb lawv cov lus nug ntawd ua ntej thaum hnuab xaus ntawm lub hli no. Mrs. Andrews tau los qhia tias hnuab LCAP lub Rooj Sibtham Saibxyuas Nyiaj Txiag (Budget Public Hearing) yuav muaj nyob rau lub 6 Hli Ntuj tim 20<sup>th</sup>, 2017, thiab hnuab los mus Pom Zoo Khaws Coj Los Tswj LCAP lub tswvyim no thiab LEA Qhov Kev Saibxyuas Tswj Nyiaj Txiag yuav muaj nyob rau hauv tsoom kav tswj lub rooj sibtham nyob lub 6 Hli Ntuj tim 27<sup>th</sup>, 2017.

Tau tshaj tawm: Tsis muaj lub rooj sibtham nyob hnuv 9<sup>th</sup>; lub hnuv ntawm lub rooj sibtham tom ntej tseem tsis tau paub meej tias yuav yog thaum twg tiag thiab cov niam txiv mam li paub los ntawm kev qhia tawm lus fajseeb tuaj rau lawv.

Dr. Villegas tau hais txog FPM- (Federal Monitor Program – Tsoom Fwv Tebchaws lub Koomhaum Soj Taug). Dr. Villegas tau los qhia tias xyoo no Chav Tswvj Neeg Kawm Askiv Cov Kev Pabcuam thiab 4 lub tsevkawm cov thajchaw tab tom raug soj taug seb lawv siv cov pob nyiaj txiag los rau lawv cov EL menyuam kawmntawv zoo li cas. Dr. Villegas tau qhia tias ntawm 13 nqe lus uas lawv yuav tsum muaj txhij txhua 7 nqe lus ntawd dhau lawm.

Dr. Villegas tau tham txog qhov ua tau ntawm Chav Tswj Neeg Kawm Askiv Cov Kev Pabcuam xws li lawv tau muab ntau tshaj li 300 lub laptops ntawm ob xyoos no los rau cov menyuam kawmntawv uas muaj cov kev tsimnyog tau los ntawm lub koomhaum Newcomer Digital Initiative Program (NDI) los mus qiv coj los siv. Dr. Villegas tau nug kom cov niam txiv ho los mus faj lus rau lwm cov niam txiv paub tias lub xyoo no cov menyuam kawmntawv yuav tsum xa rov qab lawv cov laptop tuaj rau txoj kev ntsuamxyuas tias txhua cov khoom ntawd nyob txhij txhua; peb yuav tsum tau lawv rov qab nyob lub 5 Hlis Ntuj tim 5<sup>th</sup>, 2017.

Dr. Villegas tau qhia tias ib tug neeg ua haujlwm tshiab tau raug ntiav los ua haujlwm hu ua Cuabyig & Zej Zos Tus Neeg Sawvcev (Family & Community Liaison) uas yog muab nyiaj los ntawm Pob Nyiaj Txiag Neeg Tawg Rog (Refugee Grant) los ntiav nws; nws hais lus Arabic, Dari, thiab Farsi, thiab nws yuav pib ua haujlwm nyob lub 5 Hlis Ntuj tim 15<sup>th</sup>, 2017.

Dr. Villegas tau tham txog Caij Ntuj Sov Tsevkawm (Summer School). Dr. Villegas tau los qhia tias Tsevkawm Theem Pib cov daimntawv rau npe kawm twb kaw lawm, tiamsis cov daimntawv rau npe no kuj tseem xa tau tuaj uas yog mam li muab cov npe no tso nyob rau hauv daimntawv tos kawm. Tsevkawm Theem Nrab cov daimntawv rau npe kawm twb tau muab los mus rau tsevkawm theem nrab cov (counselors) neeg ua haujlwm tawm tswvyim rau cov menyuam kawmntawv lawm, thiab cov daimntawv rau npe kawm no yuav tsum ua kom tiav hlo thiab xa tuaj tsis pub dhau lub 5 Hlis Ntuj tim 12<sup>th</sup>, 2017. Tsevkawm Theem Siab (High School) yuav muaj qhia xws li Kev Kawmntawv Uas Ibtxwm Qhia (General Education) thiab Riptide, yuav kom los rau npe kawm tau, niam txiv thiab cov menyuam kawmntawv yuav tsum tuaj mus rau peb koog tsevkawm hauvpaus loj chav ua haujlwm nyob lub 5 Hlis Ntuj tim 5 & 6. Dr. Villegas tau los qhia tias cov qhabnees uas yuav tsum xub tau (original credits) yuav muaj rau cov chavkawm ntawm Health and Geography thiab cov qhabness uas tau poob lawm uas yog yuav kawm kom khaws tau rov qab no yuav muaj rau cov chavkawm Zauv Uas Tau Sib Dhos Uake (Integrated Math). Dr. Villegas tau los nug seb cov niam txiv ho puas muaj tej co lus nug dabtsi uas nws yuav teb tau rau lawv.

Dr. Villegas tau los ua cov niam txiv tsaug rau lawv txoj kev tuaj hnuv no. Dr. Villegas tau los hais qhia kom cov niam txiv nco txog tias yuav tsis muaj lub rooj sibtham nyob lub 5 Hlis Ntuj tim 9<sup>th</sup>; lub hnuv ntawm lub rooj sibtham tom ntej tseem tsis tau paub meej thiab cov niam txiv mam li paub los ntawm kev qhia tawm lus fajseeb tuaj rau lawv.

Thaum 10:19 yav sawv ntxov, lub rooj sibtham tau los xaus lawm.